

港口ê小吹——寫楊三郎

雨のブルス

已經變做 港都夜雨

楊三郎ê港口

全款海船來去

小吹m知人間事

鑼聲離岸

猶原幽幽怨怨

Pûn gah 月青黃

海風野味

港口特別ê氣味

哀怨ê小吹

親像 leh 講古早古早

一齣一齣 hōo 人 bē 記

異鄉都市ê故事

秋風夜雨ê暗暝

楊三郎ê小吹怎 bē 停

異鄉夜月ê港口

等無思念故鄉ê船隻

小吹一遍 koh 一遍

望你早歸 望你早歸
E-hng ê 月娘全款孤單
靜靜等待船螺聲
飄浪 ê 旅行怎 bē 靠岸
月娘做 i 斜西

思念 ê 小吹總會變調
黃昏再會 ê 港口
海鳥 mā 輕聲細說
Pha 荒 ê 愛情猶原含情不吐
愛 kap 目屎不時相隨
親像船隻不離水
來來去去 bē tang 上岸
管 i 銅鑼 船螺 小吹聲